

CONOCIDO ARUBIANO A HAYA RECONOCIMIENTO MUNDIAL DEN PUBLICACION "WHO'S WHO IN THE WORLD"

The Marquis Who's Who Publications Board


Certifies that

Tony A. A. Green

is a subject of biographical record in

Who's Who in the World
Thirteenth Edition
1996

inclusion in which is limited to those individuals who have demonstrated outstanding achievement in their own fields of endeavor and who have, thereby, contributed significantly to the betterment of contemporary society.



Janet S. Barnes
Publisher

ORANJESTAD(AAN) -- E famoso y prestigioso publicacion mundial, Marquis' "Who's Who In The World", a anuncia recientemente kende ta esnan cu a worde nomina y cu lo worde inclui den e di 13 edicion di

e publicacion pa e aña 1996.

DIARIO a haya e informacion aki y tabata un sorpresa pa constata cu un di e miles di candidatonan, scogi for rond mundo, ta un Arubiano o sea un yiu di tera.

Sin duda, e mester ta mas

cu un honor pa esun cu worde escogi pa ser inclui den un publicacion, asina prestigioso.

No ta ken cu ta, ta worde escogi pa ser inclui den e publicacion. E publicacion "Who's Who In The World"

a worde funda na 1989 y ta e publicador di e original "Who's Who In America". E publicacion aki tin un reconocimiento mundial y ta ser haya den bibliotecanan rond mundo y tambe den practicamente tur oficina di embahadanan na mundo. Tambe por haya e publicacion aki den e US Library of Congress.

PROCESO RIGUROSO

Pa un persona worde nomina y despues eligi pa por ser inclui den e publicacion aki, ta depende totalmente di e persona mes.

Un hunta di directiva (Publication Board) ta haci e seleccion, a base di nan propio investigacionnan haci rond mundo.

Ta un proceso masha riguroso ta tuma lugar pa yega finalmente na e lista di personanan escogi.

E exigencianan pa nominacion nunca ta worde bisa di antemano y e persona cu ta ser monitor como un posibel candidato, realmente no sa mes cu e ta bao consideracion. E ta haya sa te ora cu durante e proceso e keda escogi.

Personanan cu haya e tremendo distincion aki, mester a contribui significativamente na mejoracion di su pais y mas aleu.

E contribucion aki no necesariamente mester ta cuantifica pero ta concentra mas ariba e calidad di contribucion.

TONY GREEN A DESTACA

E Arubiano cu a ser escogi pa ser inclui den e di 13 edicion di e prestigioso "Who's Who In The World" ta e conocido psicologo Tony Green.

Tony Green tabata expresidente di Camara di Comercio y actualmente e ta miembro di e directiva di Camara di Comercio.

Green ta autor di numeroso articulonnan ariba diferente topico y autor di buki. Tony

Green ta conoci pa su forma unico di fungi como orador di topiconan di liderasco y motivacional.

E no solamente a impacta Aruba cu su interesante lectionan y maneho pero a bay den exterior. Su talento a pone cu el a worde solicitado na India, Bahamas, Merca y Antiyas pa duna charlanan bon anima den su anhelo pa contribui na su prohimo cu un mensahe di positivismo.

Green tambe ta fungi como director di nos prestigioso school hotelero y alavez ta productor di e Talk Show mas interesante cu hamas Aruba a conoce.

E "Publication Board" di Who's Who In The World a sigui e pasonan di Tony Green pa basta tempo y merecidamente a considere, e reconocimiento mundial aki.

Aruba mester ta orguyoso di e hecho cu un di su yunan di tera a destaca mey mey di miles y miles di hende rond mundo y ta logra un reconocimiento cu pone ariba mapa den tur scina di mundo.

DIARIO ainda ta corda con a publica un carta di un pareha turista di Merca, cu ta gradici Tony Green di a debolbe nan un envelop cu el a haya. E envelop aki tabatin 5 Mil Dollar aden y e pareha a perde esaki durante nan ultimo dia na Aruba. Green a haya esaki y no a perde tempo pa debolbe e pareha nan placa.

Ta hechonan asina ta pone nos hendenan distaca rond mundo y esakinan ta cosnan cu ta worde masha aprecia rond mundo tambe.

E reconocimiento aki no solamente ta un forma di aprecia tur loke Green a haci sino ta un estimulo pa Green sigui haci su tremendo labornan pa cu e comunidad. Pabien, Tony Green, "keep up the good work".

**TELEFONNAN
DI DIARIO**
26747
FAX
28551

GANAR

TA PAGA
TE 99.2%
RIBA SLOT

PAGAR

TOURNEO
CU PREMIO
CASH

BET

THE NEW
MILLER
BAND

CREDIT

CAMBIA E AD AKI
PA UN FREE FUNBOOK!
(\$ 50.00 VALOR)

TOURNEO DI
BLACK JACK
DIALUNA Y
DIABIerna 6 PM

REGISTRA PA
\$20.00 TA INCLUI
\$500.00 NA FICHA
PA HUNGA Y
\$ 500.00
NA PREMIO CASH

TORNEO DI
CARIBBEAN STUD
DIARANSON PA 6 PM

REGISTRA PA
\$20.00 TA INCLUI
\$500.00 NA FICHA
PA HUNGA Y
\$ 500.00
NA PREMIO CASH

TORNEO
DI SLOTS

DIADOMINGO DIAMARS DIAHUEBS

TA INCLUI WEGA GRATIS
PAKETE DI REGALO
JABI PA CAHA DI TESORO

& UN COLLAR DI SUERTE
REGISTRA DESPUES 5 PM
UN ROND DI WEGA
CADA 20 MIN.
10:30 PM FINAL
CASH Y
PREMIO



Radisson